



## CHUIG BOIRD BHAINISTÍOCHTA, PRÍOMHOIDÍ AGUS FOIRNE TEAGAISC I mBUNSCOILEANNA

### Rochtain do mhúinteoirí ar théarma seasta/do mhúinteoirí sealadacha (lena n-áirítear múinteoirí ionaid) agus do mhúinteoirí páirtaimseartha ar an bPainéal Forlíontach Ath- imlonnaithe don scoilbhliain 2020/21

#### Cuid 1

##### 1. Réamhrá

Is é cuspóir na himlitreach seo ná na socruithe a leagan amach do rochtain ar na painéil fhorlíontacha ath-imlonnaithe don scoilbhliain 2020/21 do bhunmhúinteoirí cláraithe incháilithe atá i bpoist ar théarma seasta/i bpoist shealadacha (lena n-áirítear poist ionaid) agus i bpoist pháirtaimseartha i mbunscoileanna aitheanta.

##### 2. Struchtúr na bPainéal

- (i) Cruthaítear gach príomhphainéal ath-imlonnaithe do bhunmhúinteoirí agus do mhúinteoirí ar chonradh tréimhse éiginnte (CTÉ) le cois d'fhonn a chinntiú gur do na múinteoirí sin ar dtús a thairgfear buanfhóntais (agus fóntais ar théarma seasta nuair is gá).
- (ii) Cruthaítear an Painéal Forlíontach do bhunmhúinteoirí incháilithe i bpoist ar théarma seasta/i bpoist shealadacha (lena n-áirítear poist ionaid) agus i bpoist pháirtaimseartha a chomhlíonann na critéir incháilitheachta ábhartha atá leagtha amach i gCuid 2 den imlitir seo.
- (iii) Úsáidfeadh an Painéal Forlíontach, a bunaíodh i gcomhréir leis na socruithe atá leagtha amach san imlitir seo, do cheapacháin chuig poist theagaisc lánaimseartha **buan** i mbunscoileanna ach sa chás sin amháin nuair nach mbíonn gá leis na poist seo don ath-íompar ar mhúinteoirí breise buan nó a bhfuil conradh tréimhse éiginnte (CTÉ) acu. [Ba chóir d'iarratasóirí eolas a bheith acu faoi na socraithe d'fheidhmiú an Phainéil Fhorlíontaigh um Ath-Íompar don scoilbhliain 2020/21.](#)

- (iv) Ní úsáidtear an Painéal Forlíontach chun poist ar théarma seasta a líonadh i scoileanna.

### **3. An próiseas iarratais do rochtain ar phainéil**

- (i) Caithfidh múinteoirí incháilithe ar théarma seasta/sealadacha (múinteoirí ionadaíochta san áireamh) agus múinteoirí páirtaimseartha ar mian leo iarratas a dhéanamh ar rochtain ar an bPainéal Forlíontach [Foirm Iarratais don rochtain ar an bPainéal Forlíontach don scoilbhliain 2020/21](#) a chomhlánú.
- (ii) Tabharfar deis do mhúinteoirí a chuirfear ar an bPríomhphainéal Ath-implonaithe agus an bPainéal Ath-implonaithe Forlíontach don scoilbhliain 2020/21
1. a chur in iúl (trí thicbhosca sa bhfoirm iarratais) cé acu, an bhfuil nó nach bhfuil suim ar leith acu ath-implonú a fháil chuig scoil atá ag feidhmiú trí mheán na Gaeilge
- agus
2. a chur in iúl (trí thicbhosca sa bhfoirm iarratais) cé acu, an bhfuil nó nach bhfuil suim ar leith acu ath-implonú a fháil chuig scoil speisialta atá ag feidhmiú faoi phátrúnacht d'oibreoir painéil (ní bhaineann an socrú le rang speisialta i ngnáthscoil).
- (iii) Agus an fhoirm seo á comhlánú, iarrtar ar mhúinteoirí a dhearbhu go gcomhlíonann siad na ceanglais incháilitheachta ábhartha atá leagtha amach i gCuid 2 den imlitir seo. **Ní mór** foirmeacha iarratais ó mhúinteoirí a bheith comhlánaithe ina n-iomláine agus a bheith soléite.
- (iv) Tabhair aird go bhfuil an incháilitheacht do Phainéal Forlíontach 2020/21 teoranta do mhúinteoirí a bhfuil na coinníollacha uile atá fós gan sásamh comhlíonta/aon easnamh maidir leis an gclárú leis an gComhairle Mhúinteoireacht curtha ina cheart acu faoi **20 Nollaig 2019**.
- (v) Más rud é, le linn na blíana féilire 2019, gur oibrigh iarratasóir i scoileanna atá lonnaithe i níos mó ná limistéar painéil amháin (m.sh. scoileanna i ndá dheoise éagsúla), ní mór an t-iarratas ar a bheith curtha isteach ar phainéal a bheith ag baint leis an limistéar painéil inar cuireadh formhór na seirbhíse isteach sa bhliain féilire 2019 nó sa limistéar painéil ina bhfuil tú ag teagasc faoi láthair ar an gcoinníoll go bhfuil tú ar chonradh teagasc sa limistéar painéil sin ar an 20 Nollaig 2019 nó roimhe, gó deireadh na scoilbhliana 2019/20.

Chun críocha painéil, is ionann an scoil bhunáite agus an scoil atá lonnaithe sa limistéar painéil sin inar cuireadh formhór na seirbhíse teagaisc isteach sa bhliain féilire 2019 nó an scoil a bhfuil tú ar chonradh teagasc inti ar an 20 Nollaig 2019 nó roimhe, gó deireadh na scoilbhliana 2019/20.

Má d'oibrigh múinteoir i mbreis is aon limistéar painéil amháin ní féidir leis an múinteoir an limistéar painéil atá roghnaithe aige/aici a athrú tar éis dó/di an fhoirm iarratais a chur isteach.

- (vi) Chun an próiseas iarratais a dhéanamh níos simplí bainfidh an Roinn úsáid as Párolla atá ann cheana agus as faisnéis eile lena mbaineann a choinnítear go lárnach sa Roinn chun coinníollacha incháilitheachta a sheiceáil.
- (vii) Ní mór do gach múinteoir a chuireann isteach ar rochtain ar phainéil ath-ímlonnaithe seoladh ríomhphoist teagmhála a chur leis i bhformáid shoiléir soléite chun gur féidir na painéil a oibriú go héifeachtach. Bainfidh bunscoil úsáid as an seoladh ríomhphoist seo mar phríomhphointe teagmhála le múinteoir.
- (viii) Ní mór na foirmeacha agus iad comhlánaithe a bheith faighte ag an Roinn **Dé hAoine 20 Nollaig 2019** nó roimhe, ag an seoladh seo a leanas:

An Rannóg Leithdháileadh Bunmhúinteoirí  
An Roinn Oideachais agus Scileanna  
Corr na Madadh  
Baile Átha Luain  
Co. na hIarmhí  
N37 X659

**Tá sé tábhachtach a thabhairt faoi deara nach measfar iarratais dhéanacha lena gcur ar na painéil sin i gcás ar bith. Ba cheart don mhúinteoir cruthúnas ar phostas a choinneáil.**

- (ix) Tá sé de rún ag an Roinn torthaí a n-iarratais a chur in iúl d'iarratasóirí faoin 30 Aibreán 2020 nó a luaithe is féidir ina dhiaidh sin.

#### **4. Nósanna imeachta atá i bhfeidhm tar éis duine a chur ar an bpainéal**

- (i) Déanfar seiceálacha ag céim an cheapacháin i gcás na múinteoirí sin a bheidh á gceapadh chuig buanphoist ó na painéil. Dá bhrí sin, ba cheart do scoileanna agus do mhúinteoirí a thabhairt faoi deara go bhféadfaí an ceapachán atá beartaithe a chur ó bhail mar thoradh ar an bpróiseas seiceála sin.

- (ii) Ní mór do mhúinteoirí atá curtha ar an bPainéal Forlíontach agus a gheobhaidh post teagaisc don scoilbhliain 2020/21 i gcáil ar bith an oibreoir painéil a chur ar an eolas láithreach trí ríomhphost agus an [Fhoirm do Nuashonrú Painéil Fhorlíontaigh a chomhlánú](#) chun an Roinn a chur ar an eolas chun gur féidir a n-ainmneacha a bhaint ón bPainéal Forlíontach.
- (iii) Ní mór do mhúinteoirí atá curtha ar an bPainéal Forlíontach agus a chinnfidh an painéal a fhágáil ar chúis ar bith, an méid sin a chur in iúl don oibreoir painéil chun go gcuirfear sin in iúl don Roinn láithreach. Ba cheart do mhúinteoirí a thabhairt faoi deara nach féidir iad a athchur ar an bPainéal Forlíontach ina dhiaidh sin.

## 5. Fógairt na himlitreach don fhoireann i do scoil

Déan aird na mball foirne ábhartha i do scoil a tharraingt ar a bhfuil san imlitir seo.

## 6. Athbhreithniú

Is ag deireadh na bliana 2020 a dhéanfar feidhmiú na socruithe seo a athbhreithniú in éineacht leis na páirtithe leasmhara ábhartha oideachais chun féachaint cén t-athrú, más ann dó, is gá a dhéanamh do scoilbhlianta ina dhiaidh sin.

## 7. Ceisteanna

Díríonn Rannóg Leithdháileadh Múinteoirí na Roinne go príomha ar an bpróiseas leithdháileadh múinteoirí agus ar na príomhphainéil ath-implonaithe a ullmhú do bhuanmhúinteoirí agus do mhúinteoirí CID.

Dá bhrí sin, is teoranta an cumas atá aici déileáil le ceisteanna ó dhaoine aonair i dtaca leis an imlitir seo.

Is trí [ríomhphost amháin](#) ag an seoladh ríomhphoist seo a leanas a dhéileálfar le ceisteanna den sórt sin: [supplementarypanel@education.gov.ie](mailto:supplementarypanel@education.gov.ie)

**Tabhair faoi deara nach gcuirfear síneadh leis an dáta deiridh, is é sin, Dé hAoine an 20 Nollaig 2019 i gcás ar bith.**

Paraic Joyce  
Príomhoifigeach  
An Rannóg Leithdháileadh Múinteoirí

Samhain 2019

## **Cuid 2**

### **Critéir Incháilitheachta do rochtain ar an bPainéal Forlíontach**

Ní mór do mhúinteoirí ar théarma seasta/do mhúinteoirí sealadacha (lena n-áirítear múinteoirí ionaid) agus do mhúinteoirí páirtaimseartha ar mian leo iarratas a chur isteach ar rochtain ar an bPainéal Forlíontach gach ceann de na critéir incháilitheachta atá liostaithe thíos a chomhlíonadh.

#### **1. Clárúchán leis an gComhairle Mhúinteoireachta/Promhadh**

Múinteoirí ar chonradh téarma seasta/sealadach (ionadaithe san áireamh) agus múinteoirí páirtaimseartha a bhíonn, faoi 20 Nollaig 2019:

- cláraithe go hiomlán (gan choinníollacha) leis an gComhairle Mhúinteoireachta faoi Alt 31(5) den Acht um Chomhairle Mhúinteoireachta, 2001 - Rialachán 2 / Bunoideachas

nó

- i gcás múinteoirí ar théarma seasta / múinteoirí sealadacha (lena n-áirítear múinteoirí ionaid) agus múinteoirí páirtaimseartha a cláraíodh go huathoibríoch sa bhliain 2006 agus atá cláraithe leis an gComhairle Mhúinteoireachta faoi Alt 31(2) agus 31(3) den Acht um Chomhairle Mhúinteoireachta mar Bhunmhúinteoirí agus atá láncháilithe tar éis gach easnamh, más ann dóibh, arna sainaithint ag an Roinn Oideachais agus Scileanna a shásamh

**Is gá d'iarratasóirí cóip den litir deimhnithe ar Chlárú leis an gComhairle Mhúinteoireachta, a léiríonn dáta a lánchláraithe, a chur i gceangal leis an bhfoirm iarratais don Phainéal Forlíontach.**

#### **2. Ceanglais Tuarastail**

Tá dhá scála tuarastail ann faoinar féidir le múinteoir a bheith incháilithe, is é sin

1. Múinteoirí a raibh a gcéad cheapachán teagaisc i scoil roimh an 1 Eanáir 2011
2. Múinteoirí a raibh a gcéad cheapachán teagaisc i scoil tar éis an 1 Eanáir 2011

**1. Múinteoirí a raibh a gcéad cheapachán teagaisc i scoil roimh an 1 Eanáir 2011, ní mór dóibh (i) thíos agus (ii) nó (iii) thíos a chomhlíonadh**

(i) ní mór €33,000 ar a laghad d'olltuarastal (lena n-áirítear liúntais) a bheith íoctha leo sa bhliain fhéilire 2019

agus

(ii) ní mór dóibh bheith, an 31 Nollaig 2019 nó roimhe sin, ar an 5ú pointe nó ar phointe níos airde ar scála tuarastail ábhartha na múinteoirí (nó ar an 6ú pointe nó ar phointe níos airde i gcás múinteoirí a thosaigh ar an 3ú pointe ar an scála tuarastail)

nó

(iii) ní mór dóibh bheith, an 31 Nollaig 2019 nó roimhe sin, ar an 4ú pointe ar scála tuarastail ábhartha na múinteoirí (nó ar an 5ú pointe i gcás múinteoirí a thosaigh ar an 3ú pointe ar an scála tuarastail) agus ní mór dóibh freisin bheith, **ar an 20 Nollaig 2019 nó roimhe**, ar chonradh chun teagasc **ar feadh na coda eile den scoilbhliain 2019/20**.

**2. Ní mór do mhúinteoirí a raibh a gcéad cheapachán teagaisc i scoil tar éis an 1 Eanáir 2011 acu (i) thíos agus (ii) nó (iii) thíos a chomhlíonadh**

(i) €30,000 ar a laghad d'olltuarastal (lena n-áirítear liúntais, más ann dóibh) a bheith íoctha leo sa bhliain fhéilire 2019

agus

(ii) ní mór dóibh bheith, an 31 Nollaig 2019 nó roimhe sin, ar an 4ú pointe nó ar phointe níos airde ar scála tuarastail ábhartha na múinteoirí

nó

(iii) ní mór dóibh bheith, an 31 Nollaig 2019 nó roimhe sin, ar an 3ú pointe ar scála tuarastail ábhartha na múinteoirí agus ní mór dóibh freisin bheith, **an 20 Nollaig 2019 nó roimhe**, ar chonradh chun teagasc **ar feadh na coda eile den scoilbhliain 2019/20**

**Mar achoimre, ní mór do gach iarratasóir na critéir thuarastail atá liostaithe thíos a chomhlíonadh an 31 Nollaig 2019 nó roimhe sin:**

Dáta do chéad cheapacháin	SCÁLAPHOINTE TOSAIGH	An scálaphointe íosta ar gá a bheith air roimh an 31/12/2019 gan ghá le conradh	Má tá tú ar na scálaphointí thíos amhail an 31/12/2019, ní mór conradh a bheith agat a rithfidh ón 20 Nollaig 2019 go deireadh na scoilbhliana 2019/20 ar a laghad	Olltuarastal Íosta (lena n-áirítear liúntais) a tuilleadh sa bhliain féilire 2019
Múinteoirí a raibh a gcéad cheapachán teagaisc acu roimh an 1 Eanáir 2011	2	5	4	€33,000
	3	6	5	€33,000
Múinteoirí a raibh a gcéad cheapachán teagaisc acu tar éis an 1 Eanáir 2011	1	4	3	€30,000

### **3. Comhaontú Bhóthar Haddington**

Tabhair faoi deara go measfar múinteoir a bheith incháilithe do rochtain ar an bPainéal Forlíontach sa chás go bhfuil an reo incrimint(i) trí mhí atá i bhfeidhm faoi Chomhaontú Bhóthar Haddington ar an aon chúis amháin nach gcomhlíonann sé/sí na critéir scálaphointe.

### **4. Seirbhís nach bhfuil ináirithe do Phainéil Fhorlíontacha**

**Ní mór** d'iarratasóirí a dhearbhú ar an bhfoirm iarratais cé acu a bhí nó nach raibh tionchar ag buanseirbhís agus/nó ag creidmheas incriminteach, mar atá leagtha amach sa tábla thíos, ar a scálaphointe tuarastail reatha.

Seirbhís ináirithe is incheadaithe chun rochtain a fháil ar an bPainéal Forlíontach is ea seirbhís mar mhúinteoir láncháilithe i bpost a n-íocann an Roinn Oideachais agus Scileanna as, **ach amháin** i gcás na gcineálacha seirbhíse atá leagtha amach sa tábla thíos:

Buanseirbhís/CTÉ roimhe *
Seirbhís roimhe mar mhúinteoir iar-bhunscoile
Creidmheas incriminteach / Scip incrimint
Seirbhís neamhcháilithe

\* Ní chuirtear ach seirbhís ináirithe ó dháta deireanach seirbhíse i mbuanphost/CTÉ san áireamh ar mhaithe leis na critéir incháilitheachta do rochtain ar an bPainéal Forlíontach a chomhlíonadh. Le go measfar go gcomhlíonfaidh tú an critéar maidir le hincháilitheacht de réir scálaphointe, ní mór trí incrimint a bheith tuillte agat ón dáta ar éirigh tú as an mbuanphost/CTÉ. Nó, ina mhalairt de chás, ní mór dhá incrimint a bheith tuillte agat ó dháta deireanach do bhuanphost/CTÉ agus, má tá tú ag obair le trí bliana aníos faoin am seo (ó d'éirigh tú as an mbuanphost), ní mór duit bheith ar chonradh chun teagasc go deireadh na scoilbhliana 2019/20.

## 5. Múinteoirí ar Chonradh Páirtaimseartha

Is gá do mhúinteoirí ar chonradh páirtaimseartha ar mian leo go gcuirfí san áireamh iad don rochtain ar an bpainéal na critéir incháilithe céanna a shásamh atá luaite i bPointe 2 thuas. Déanfar, áfach, an tairseach tuarastail do 2019 (€33,000 nó €30,000 de réir mar a oireann) a leasú ar bhonn pro-rata maidir lena leithéid de mhúinteoirí páirtaimseartha. Déanfaidh an Roinn é seo a mheas maidir le gach cás ar leith do na hiarratais a fhaightear ó mhúinteoirí páirtaimseartha a shásaíonn, seachas sin, na riachtanais incháilitheachta.



## **6. Múinteoirí a thóg saoire mháithreachais/uchtála sa bhliain 2019**

Déanfar na tairseacha tuarastail a choigeartú maidir le múinteoirí ionaid a bhí ar shaoire mháithreachais/uchtála le linn na bliana 2019.

## **7. Scálaphointí Tuarastail**

Ba cheart gurbh eol do mhúinteoirí a scálaphointe tuarastail incrimintigh nó ba cheart dóibh a bheith in ann é a ríomh agus duillín pá reatha á úsáid. Tá na scálaphointí tuarastail incrimintigh do bhunmhúinteoirí ar fáil ar shuíomh gréasáin na Roinne <http://www.education.ie/en/Education-Staff/Information/Payroll-Financial-Information/Salary-Scales/>